

寧河縣志卷之三

建置志

凡十七○此篇凡祀典所不及錄者悉記之其寺觀則見於雜識

先王畫野分州建邦樹邑匪獨其政教典常足以綱紀之也蓋必有經營之規剏久遠之利而後上下公私有所麗焉此三代之政所以勞民而不怨也寧爲初分之邑一切俱屬創始苟非鴻圖遠樹作述有因則後之踵是而經營者其何以示久遠乎漢制官寺鄉亭漏敗牆垣阨壞不治者不勝任先自劾凡以重創守也周書云申畫郊圻慎固封守是在良長吏哉

寧河縣志

卷之三

建置

一

志建置

城池

梁城五代劉仁恭爲鎮時築仁恭曾封梁王故名久廢遺址無存明置梁城守禦千戶所

國朝因之改置千總雍正九年卽其地改設寧河縣縣無城池四面環水其西架石爲橋以通往來乾隆三十二年知縣薛端採形家說塞之以土遂成大路論曰城池所以衛民也周官設掌固以修城郭溝池樹渠之固以通守政造都邑則治其固與其守法典

綦重矣寧河爲畿東新建邑分置伊始事屬草創城池之制未遑也後復以土俗民情多所未便議不果行然河流環繞足資捍禦地利信可憑焉迄今四十餘年閭里晏如寇盜無警

國家太平之澤而斯河實保障焉增埤抵隙於此是賴夫固金湯恃之矣

縣治

縣署在城內正北其大門儀門大堂及三堂舊屬梁城所干總署洎雍正九年分縣其大門儀門及東西

角門知縣楊奇昌於十年重修大堂凡三間大堂之後爲三堂凡三間

中有額曰觀我知縣徐堂題

十二年知縣沈濬

重修三堂前爲宅門其東西廂房凡六間大堂之東爲二堂凡三間

中有額曰不負初心知縣任西華題

二堂之前瓦房凡

三間三堂後爲知縣宅正中三間東西廂房凡六間前西書房在三堂之西爲幕廳凡三間監獄在大門內之西凡四間俱於十二年知縣沈濬始建後西書房三間乾隆五年知縣洪肇楸增修槐樹下南住房二間二堂後東書房凡五間俱於二十年知縣吳龍

光增建二十三年知縣謝洪恩改修東書房東書房
後爲廚房凡三間大堂前之東西爲科房凡十二間
大門之東爲土地祠凡三間俱於二十三年知縣謝
洪恩增修東西班房各一間在大堂前二十六年知
縣徐堂增修至四十年知縣關廷牧重修二堂建東
西角門立照壁於其前并修後西書房三間四十二
年重修內宅及東書房顏其中曰
退思堂大門儀門又修土
地祠廓其址

典史衙門在儀門之西大堂三間廂房四間書房三

間住房三間廚房三間班房三間

把總衙門在本城南街大堂三間住房三間廂房四
間其基地共計九分七釐五毫本城候選州同馬自
誠候選訓導馬天相於雍正十一年同捐

蘆臺巡檢北塘千總並未設立衙署

僧會司在蘆臺東大寺居住

論曰官宰悠悠多安成轍如此傳舍閱人多矣然鳴
琴出政之地可任其蕪穢不治邪若廼雕飾無度好
疲民以成私者此又矯於不治之甚者也

學宮

學宮在縣治正南前臨潮河雍正十一年知縣沈濬建中爲

大成殿殿前東西廡各三間又前爲戟門戟門之左爲名宦祠右爲鄉賢祠泮池在其前又前爲櫺星門門之左爲忠義祠右爲節孝祠其外爲照壁壁之左盡處爲義路門右盡處爲禮門

崇聖祠在

大成殿後

寧河縣志

卷之三

建置

四

明倫堂在

大成殿西中隔一夾道堂之前爲大門大門之西爲土地祠教諭宅在明倫堂後訓導宅在教諭宅後

按 文廟於乾隆二十四年重修知縣謝洪恩捐俸銀一百兩合衆紳士共捐銀一千六百六十五

兩三錢通稟 各憲飭交首事杜懋綸等庀工修

葺除用過一千五百一十四兩九錢二釐尙餘銀一百五十兩三錢九分八釐連歲修銀十兩一并

交典生息俱經詳

憲批允飭令首事經紀

有碑記見

藝文 迨乾隆二十九年各典商以此項銀兩日多難於兼權卽呈繳徐前縣得子母銀四百九十兩徐前縣陞任延慶州董事人杜懋綸等於三十三年親赴延慶如數領回交繳杜前縣嗣據生員杜嶧貢生張廣基等九人復行領出除歸三十二年修理明倫堂學宅欠項銀五十兩八錢二分又本年苦補 文廟支銷銀九十二兩一錢八分又修學宅支銀十兩乾隆三十三年置南孟家莊地八十畝園地七畝房二間價銀二百六十二兩五錢

有契貯張廣基收執三十八年苦補 文廟又支銷銀三十七兩五錢尙存銀四十兩張廣基存貯資生二分行息其息銀每年爲掃殿工食之用自此而後蓋勵有存者四十二年 大成殿上蓋滲漏後殿圍牆傾圯頭門照壁及明倫堂門樓照壁俱傾斜頽敗無項修葺知縣關廷牧倡捐葺復計費一百四十金而規模亦粗就云

論曰漢自光武中興愛好經術建武五年廼修起太學稽式古典自是其風世篤盛於永平漢治術之隆

有自來矣我

朝

列聖相承崇儒重道聲教所被超越前古寧邑密邇

神京化行自近鐘鏞泮壁芹藻馨香蓋彬彬稱極盛云

壇廟

社稷壇在縣治北一里許乾隆六年知縣李之蓉始建

三十二年知縣薛端重修

風雲雷雨山川壇在縣治南五里乾隆六年知縣李之

蓉始建二十七年大水冲坍四十三年知縣關廷牧

寧河縣志

卷之三 建置

六

重建

先農壇在縣治西一里許雍正四年各州縣衛所奉文

建造壇宇登經梁城所正署各官詳請領項創建時

藩憲以衛所與州縣不同未准支銷七年千總厲

彭年復備敘緣由申請轉詳蒙 督憲批准至是年

秋署所千總濮元孝始克領項建造其制正殿三間

兩邊耳房各一乾隆二十二年知縣吳龍光重修增

置大門樓圍以土牆四十三年正殿傾頽知縣關廷

牧重建

關帝廟在縣治中十字街口前殿三間後殿四間建自前明年月無考乾隆二十四年知縣謝洪恩重修四十二年闔邑捐修復拓後院東邊而大之

按陸隴其靈壽縣志云關公正直之人歿爲明神祀之可也然今之尊關公者皆因道家之說往往多誣知禮者宜辨之其論甚正故特筆之以示教云

城隍廟在縣治北街馬亭三間正殿三間寢宮殿三間東西配殿各三間偏西僧房三間建置不知何代前

寧河縣志

卷之三

建置

七

明萬歷年間都督僉事陳公燮者倡衆捐修

有碑記見藝文

乾隆二十五年知縣謝洪恩重修四十一年知縣關廷牧倡捐修葺

劉猛將軍廟在縣治西門外昔爲西佛菴乾隆七年知縣李之蓉詳請動項改建將軍廟計正殿三間後殿三間至乾隆三十八年知縣黃紹魁復行修葺

按降靈錄載神名承忠吳川人元末授指揮弱冠臨戎兵不血刃盜皆鼠竄適江淮千里飛蝗遍野揮劍追逐須臾蝗飛境外後因鼎革自沉於河有

司奏請遂授猛將軍之號鄉人祠之每有蝗蝻之害虔禱於廟則蝗不爲災雍正二年奉

勅建廟

八蜡神並未建廟每歲卽於將軍廟致祭焉

文昌祠在縣治東門外正殿三間後殿五間始建年月無考乾隆三十九年闔邑捐資重建

魁星閣在東門外文昌祠前建設不知何代乾隆三十九年闔邑捐修

八景之一

土地祠在縣署大門之東規模頗隘乾隆四十二年知

寧河縣志

卷之三

建置

八

縣關廷牧重修擴其規而高大之

火神廟合祀於縣署之西正殿三間後殿三間建設不知何時乾隆二十五年闔邑公修

龍王廟在縣治南門外正殿三間後殿三間建置年月無考乾隆二十七年闔邑公修

真武廟在縣治北門外正殿三間後殿三間建置年月無考乾隆二十八年闔邑公修

論曰空庭古壁靈爽是依體至肅也北方壇廟雖盛而日久敬弛宿莽積塵荒廢殊極比於慢矣辨其非

族制其處位是亦治民事神者之一道乎

書院

寧河分邑以來書院之制未遑也歲己亥恭遇

皇上萬壽恩科都人士懼忤鼓舞因卽 文昌祠後殿捐

俸修葺增建廂屋數楹講堂書舍齋廚次第就理名曰渠梁書院其經費之需則取給於大興侍讀吳君肇元歲節課引贏餘以垂永久焉是舉之成實吳君之倡議也謹書以志所自

正屋五間中供 文昌神座左爲講堂

寧河縣志

卷之三

建置

九

東廂正房二間披屋三間

西廂披屋二間 東西兩側門

文昌臺一座當中霤居前

大門三間面河西角門一爲院門門外東南爲奎星閣卽八景中之文閣迴瀾也

額設正課生童各十名附課生童各十名

官課每月一次館課每月一次其一等及二等前列者俱官給獎賞

經費二百兩乾隆四十四年自大興吳君肇元義捐

始焉延師歲修之費出其中其考課獎賞各費一切
取自內署在院肄業者自具膏火經費不敷規制未
定以俟夫惠桑梓者好義而踵成之也

論曰書院之名昉於宋鵝湖鹿洞嶽麓崧陽其最著
者也蓋古者教人不一其地黨有庠術有序家有塾
不獨國之有學也其必多爲之所者凡以廣教化使
無不互相切劘以日進於聖賢之域焉王化之成端
由是矣我

皇上德教覃敷學校而外廣立書院談經而講學者徧及

寧河縣志

卷之三

建置

十

海陬吾寧密邇

京邑尤所宜先而顧闕如焉是守土者責也今之爲是
舉也尙其相與有成鼓之舞之以仰承

壽考作人之化於勿替哉詩曰靡不有初鮮克有終勉矣
夫

倉儲

常平倉

凡四區俱在縣署大門內。額貯穀三千石
現貯穀九百八十四石四斗五合現貯米五

千三百七十三石四斗三升四合一勺節年
民欠米六千二十七石三斗一升三合五勺

天字地字廩一區在東角門左凡六間雍正十二年

知縣沈濬建

元字黃字廡一區在大門西凡八間

宇字廡一區在大堂前之東偏凡四間

宙字洪字廡一區在大堂前之西偏凡七間俱乾隆

十二年知縣鍾象山建

以上各廡共計二十五間乾隆二十七年知縣徐堂因連年大雨殘損設法修葺日久傾圮四十二年知縣關廷牧詳准重修

義倉

凡四處乾隆十六年知縣屠祖賚奉文始建

寧河縣志

卷之三

建置

十一

一在西關離城三里瓦倉房三間每間面寬一丈一尺進深一丈二尺簷高九尺五檁牆身裏土塊外甃土更房一間面寬一丈進深一丈一尺簷高七尺五寸三檁牆身裏外土塊

瓦門樓一座簷高八尺寬六尺進深五尺牆身裏外土塊三檁匾顏義倉兩字上列所統八十三莊

圍牆共湊長十二丈六尺高七尺厚二尺牆身裏外土塊

地址南北長七丈五尺東西寬四丈係本莊民人張

九夏張玉樹張國璽張國平張汝稷張汝習張國治
張元第等公捐工料係監生高文光民人王彥孔馬
自之等同捐估值八十金有奇

一在西雙莊離縣二十五里瓦倉房三間土更房一
間規制一如前式

瓦門樓一座規制如前式匾列所統四十六莊

圍牆湊長九丈五尺高厚如前式

地址南北長四丈五尺東西寬三丈七尺係本城貢
生陳鑑自捐工料係監生王嵩年耆民趙進孝同捐

寧河縣志

卷之三

建置

三

計值八十四金有奇乾隆四十二年因山牆閃裂檣
椽糟朽知縣關廷牧倡捐重建計費八十金有奇

按此倉現在段家莊離縣十八里始以西雙莊里
數適中原擬置倉其地後因形勢窪下改設於此
冊報時以各莊遠近里數不均照原擬造報四十
二年重修勘估余徧歷各莊咨訪輿論察看情形
俱以段家莊爲便故仍前址葺之

一在蘆臺離縣三十里瓦倉房三間土更房二間規
制一如前式

木牌房一座高九尺寬八尺匾列所統八十三莊
圍牆共湊長六丈二尺高厚如前式

地址南北長五丈七尺東西寬二丈六尺舊有房屋
前後五間係蘆臺場衆竈戶公所於是年捐改義倉
計值一百二十金有奇

一在軍糧城離縣一百四十里瓦倉房三間土更房
一間規制一如前式

瓦門樓一座規制如前式匾列所統三十二莊
圍牆共湊長十一丈五尺高厚如前式

寧河縣志

卷之三

建置

三

地址南北長五丈七尺東西寬二丈六尺係本莊前
菴東首空地並無業主上蓋工料係監生馮時亨邵
聯榜董琰公同捐建計值一百五十八金有奇

按四倉自乾隆十七年勸捐起至四十三年止共
積本息高糧一千七百六十九石六斗二升於乾
隆三十五六年因災出借至三十七年其無力窮
民蒙

恩赦免一千三百七十二石一斗現存高糧三百八十二
石二斗五升民欠高糧十五石二斗七升各倉照

額分貯多寡有差然以一邑之廣現貯止有此數設有饑饉所濟幾何際此

重熙累洽之秋年豐人樂尚當諄切勸捐俾倉儲充盈足補常平所不及乃有濟歟

論曰周官倉人掌粟人之藏遺人掌邦之委積而積貯昉焉誠天下之大命也漢耿壽昌倣李悝平糶之法因歲豐歉增糴減糶以濟民而常平之法起隋長孫平又請令諸州百姓收穫之日勸出粟麥於當社造倉貯之以賑饑饉而義倉之法興而其弊也歲時久有司以朽爛爲虞出納頻胥徒得侵漁取利非法之弊用法之不得其道也我

朝自雍正三年

勅令天下州縣各建倉以防紅腐復於雍正五年查核舊倉廢損壞者

特諭支發正項錢糧修理倉儲弊蠹釐剔一清民霑實惠亦云溥矣寧邑昔窳粒食未饒卒遇水毀火旱之歲無積聚何以相救哉因原其所建立與其所修治雖在官在野名地各殊而要以利民爲本

庫解在大堂暖閣東邊

按寧邑地丁正耗每年分春秋兩季徵收除存留支銷及撥解兵餉外所存無幾俱在內庫收貯今所貯者唯克盜贓械而已

養濟院

在城西一里許瓦房正間四間東西廂房四間凡八間於乾隆五年知縣趙憲奉文領項始建迨乾隆二十六年大水冲坍無存知縣徐堂於交代時墊出銀五十三兩八錢八分至四十三年知縣關廷牧照

寧河縣志

卷之三

建置

十五

舊捐建計費一百五十餘金

留養局

一在本城將軍廟一在蘆臺東大寺

離縣三十里

其經費

係乾隆十八年知縣屠祖賚暨士商公捐銀一百兩交鹽商資生每月取息二分歲收利二十四兩入冬飭發典史銀十四兩蘆臺巡檢十兩經理其事至二月初一收局造冊報縣核轉

按寧邑雖僻處海隅而路通遼薊東省及南府出口覓食者必取道焉區區經費曾足以言普徧乎

余履任四年兩遭歉歲俱捐俸倡義以資接濟留心民瘼者必將有以善其後矣

演武場

在縣西三里許開設不知何年其畝數縣案無考乾隆三十一年准營員移開較場地原額五十九畝九分五釐現在不敷經知縣許鈞將耕熟軍地撥補十三畝零足其數立有界址

按寧邑前奉派發軍流犯數名因無養贍經知縣沈濬諭令各犯將較場左近無主城荒陸續開墾

寧河縣志

卷之三

建置

六

得熟地三十餘畝至乾隆十八年各犯有在配病故者有援

赦回籍者嗣後亦並無軍流人犯到境此地歸官召佃按三分之一抽分充公自三十一年撥清界址只剩十六畝零

舖遞

縣東舖至豐潤縣治一百一十里額設舖司一名
縣南舖至天津縣治一百四十里額設舖司二名
縣西舖至寶坻縣治一百一十里額設舖司六名

縣北舖至玉田縣治一百一十里額設舖司一名
額設舖司共十名每名歲支工食銀六兩共支工
食銀六十兩

按驛遞所以達政令也其中有衝僻之分而夫馬
多寡因之寧河爲地尤僻設縣以來並無驛遞馬
匹惟舖司十人奔走賫投而已其捐馬公文則悉
附寶坻以達因地制宜而政令亦不患其壅矣

塾房

本城南街營房五間馬棚三間

寧河縣志

卷之三

建置

七

本城西門外營房六間

本城北門外營房四間

青坨莊營房三間塘房一間塾臺一座

江窪口營房三間塘房一間塾臺一座

西西棘坨莊營房三間塘房一間塾臺一座

潘莊營房三間塘房一間塾臺一座

東堤頭營房三間塘房一間塾臺一座

河渠

薊運河源出遷安縣三臺營逕遵化薊州至寶坻流

入縣境之江窪口逕縣治北分流環繞仍合於縣治南又東南屈曲凡十數折抵北塘口入海計長三百三十里前明以來爲薊運要路乾隆三十年改支折色奉文停止而河之名尙仍其舊

按此河一名潮河以其爲海潮所往來也形勢曲折中流深通自昔無勞濬治其上游每爲寶坻患自入寧河境而安流赴海矣其間灌溉之利魚蝦之饒商賈舟楫之便莫不賴之而霖雨積水亦半消納其中不致遽成汎濫皆河力也豈僅資當年

寧河縣志

卷之三

建置

六

漕運耶言水利者當以此爲首云

新河在縣南一百二十五里自天津直沽河口起至北塘河口止徑四十里明天順三年始鑿先是漕運由直沽出東海由東海折入北塘口上達薊州屢被風波漂溺故開此河以避其險事具李賢運河記中嘉靖元年復濬治之名曰漕渠後有淤塞三年兩濬夫役之費甚爲邑累

國朝貯漕京通倉渠不復治康熙三十四年以

陵糈轉運不便遠涉海口故重開新河一道於故道北長二

千一百八丈底寬二丈西寬二丈五尺每歲檄近鄰
邑協修雍正十年後境屬寧河時寧邑新立戶少民
稀力難獨任仍派兩邑公修寶邑承挑一千一百丈
寧邑承挑一千零八丈着爲例乾隆元年

上允督河臣請撥歲修銀兩專歸寧河挑濬五年又准動
前河臣劉勳完公銀二萬大加修治迨三十年戶部
覆准

陵糶粟米改支折色毋庸轉運其歲修工程卽於是年奉文
停止由是此河漸淤

寧河縣志

卷之三

建置

九

按前明開此以避海患漕運便之然三年兩濬大
爲民害

本朝乾隆元年准撥歲修銀兩每年於通永道庫支領
凡有疏治無擾於民但歲有定額遇淤塞過多工
費浩繁究難免於派累自改支折色後而民益晏
如矣

七里海在縣西南五十里水本無源地勢窪下行潦
歸焉當雨多水滙極目無涯汪洋如海故以海名西
接筐兒港西北接青龍灣二引河之水東南分流入

運河歸海寬二十里長四十里乾隆二十九年與堤頭營口河同濬海之西北爲後海寬八里長十八里其東南爲曲里海寬四里長十里

按七里海邑之受水處也明世宗實錄計二百五十二里與現在廣袤之數懸絕蓋由沿海浦漵日就淤淺附近居民往往報陞爲業已非復曩時之舊矣夫邑有大澤潦可爲容旱可爲蓄邑之利也論者乃惜其棄爲汙池謂墾之歲可得粟百萬斛論似可聽但熟察情形則有不然者斯邑地本卑

寧河縣志

卷之三

建置

三

窪雨水過多全恃七里海爲容蓄况青龍灣筐兒港之水皆以此爲歸倘有司不察聽其認耕或反以開荒增賦爲己最規小利而廢大澤一遇霖雨輒汎濫成災爲害孰甚此 畿輔通志所爲殷憂長慮也留心地方者當思大澤之利毋俾壅塞水患庶可息歟

青龍灣引河在縣西北七十里由寶坻東淀莊至寶寧分界之大道流入縣境逕潘莊入後海注七里海復逕淮魚淀入曲里海東南抵寧車沽會西引河合

流入薊運河歸海計長四十五里雍正八年開時因河西務一帶水漲漫決故於青龍灣建壩四十丈開挖此河以分其勢區畫有法水不爲災

筐兒港引河在縣西九十里由天津塌河淀至堤頭津寧分界之石橋流入縣境逕趙溫莊造甲城至王家臺入七里海又東過營口抵南澗沽入薊運河計長五十里乾隆十一年開是時興修水利部議以塌河淀受北運河之水每於夏秋漲發不能容納泛淹田廬題准開挖以資宣洩二十九年奉文重濬

按乾隆十一年部議塌河淀東舊有河形一道與七里海通七里海東亦有河形一道直達薊運河應准其隨勢挑濬是堤頭營口之河非至此始開可知 畿輔通志亦謂塌河淀有小河一道出西堤頭入七里海考通志成於雍正十一年益知此河久矣有之絕潢斷港考據無從其始固不可得而詳矣

淮魚淀西引河由七里海南岸淮魚淀西起至寧車沽會東引河合流入薊運河計長五十里河之東復

有引河一道卽青龍灣引河下游名東引河此故別之以西云

按東西二引河始開年月不可考父老相傳西引河開於雍正三五年東引河開於八九年苦無確據乾隆二十八年奉文興修水利知縣徐堂以邑舊屬寶坻具文關查據寶坻以彼時開挖係水利府自行辦理無卷可稽覆予竊病焉細檢畿輔通志雍正四年 怡賢親王查歷至此見水道淺狹五年委員開挖寧車沿河起自淮魚淀達於北

塘口長四十里拓濬深通八年開青龍灣引河注之七里海仍展挖寧車沽河導七里海水洩之北塘可見前此卽有河形後特因而疏治之固非至是始開矣但雍正五八兩年所挖者爲東河耶西河耶通志未有明文然觀其所云五年八年亦頗與父老之言相合今以形勢揆之西河形稍灣曲赴海紆迴不與後海引河緊對惟東一河由七里海逕曲里海暨寧車沽下趨北塘其流直捷固爲上接後海青龍灣引河之正派雍正八年所展挖

正在於此若五年拓濬之處則斷爲西河無疑迄
今附近居民猶稱西爲舊河東爲新河益可證矣
歷年未遠故蹟已病無徵倘遲之又久更何如也
故爲之查核詳明俾言水利者得有所考焉

各莊渠利

本城西門外渠一道寬一丈一尺深六尺通薊運河
雍正七年開挖

東門外渠二道均寬二丈深七尺通薊運河乾隆三
十八年開挖

寧河縣志

卷之三

建置

三

北門外渠一道寬六尺深五尺通薊運河雍正十二
年開挖

東窩莊渠一道寬九尺深五尺通薊運河圍繞合莊
開挖年月無考

南窩莊渠一道寬四尺深二尺乾隆二十九年開挖
江石沽渠一道寬四尺深三尺雍正八年開挖

孟家莊渠一道寬四尺深二尺長二里許南通薊運
河雍正十年開挖

孟舊窩渠一道寬五尺深四尺康熙四十五年開挖

楊家莊渠一道寬六尺深四尺乾隆二十四年開挖
西關莊北渠一道東通大河西通任家泊寬一丈深
五尺長十里餘康熙四十四年合莊開挖

菜園莊南渠一道東通大河西通楊撥莊西寬六尺
深五尺長一里許

又莊西北渠一道東通大河圍繞莊西寬五尺深四
尺長一里許

又莊北舊渠一道東通大河西圍園地寬五尺深四
尺長半里許

寧河縣志

卷之三

建置

三

米廠莊前後莊東南渠各一道寬五尺深三尺圍繞合
莊

木頭窩莊西北渠各一道南通大河北繞合莊寬六尺
深四尺長一里許

後沙窩莊西渠一道西通蘆運大河自西而東環抱
合莊寬五尺深四尺長一里許

前沙窩莊西北渠一道西南通蘆運大河縈繞合莊寬
六尺深四尺長一里許

劉家莊南渠二道西通大河自西而東寬五尺深四

尺長一里許

馬家莊北南渠各一道一渠自南而東一渠自西而東

二水交流環抱合莊寬五尺深四尺長一里許

孫家莊渠一道東通薊運大河下通林家莊寬五尺

深四尺長半里許

倒流窩莊北渠一道寬三尺深四尺圍繞合莊開挖

年月無考

朱家莊渠一道寬三尺深六尺南通薊運河北通捷

道沽

寧河縣志

卷之三

建置

三

苗家莊北渠一道寬一丈深五尺西通薊運河東達

柳家莊

麥子沽莊東渠一道寬一丈深四尺西通薊運河東

通苗棗莊

塔慈莊渠一道寬五尺深四尺乾隆十五年合莊開

挖

張家新莊東渠一道寬八尺深三尺圍繞合莊

劉可莊東渠一道寬一丈深三尺通薊運河

高家臺後渠一道寬七尺深三尺圍繞合莊雍正十

年開挖

前邦道沽莊渠一道寬七尺深二尺東通薊運河圍繞合莊康熙四十年開挖

岳旗莊西渠一道南通薊運河寬一丈深五尺康熙十三年挑挖

青泥莊北渠一道西通薊運河寬一丈深五尺康熙十五年開挖

胡家莊東渠一道寬一丈深五尺康熙四十年開挖青坨莊至淮沽莊引河一道約寬丈餘計長二十里

寧河縣志

卷之三

建置

三

引豐潤上游之水從淮沽莊西入薊運河年久淤塞田家莊頭南渠一道寬八尺深四尺環繞合莊乾隆七年開挖

齊家沽東渠一道寬一丈深五尺環繞合莊乾隆十一年開挖

大麥沽西渠一道寬八尺深四尺環繞合莊乾隆二十年開挖

崔成莊北渠一道寬二丈深六尺環繞合莊乾隆二十年挑挖

朱家莊北渠一道寬一丈深五尺環繞合莊乾隆五年挑挖

板橋莊西渠一道西通薊運河東達王實莊寬五尺深四尺長七里始挖年月無考

落波亭莊東渠一道寬一丈深五尺環繞合莊乾隆二十五年開挖

杜家新莊北渠一道寬一丈深五尺東通薊運河環繞合莊乾隆三十七年重濬

江窪口莊南渠一道寬八尺深四尺環繞合莊

寧河縣志

卷之三

建置

七

任家泊在縣西北十三里坐落任漢莊西南李花毛莊正東之中東西寬里餘南北長二里入夏雨水積聚則自楊四莊劉可莊前後邦道沽至青泥等莊流入薊運大河惜中流淤淺不能引潮河以資灌溉倘一加疏濬使蓄洩有方則數莊均成沃壤矣

任千戶莊東渠一道寬五尺深四尺長十二里東通谷家孫家林家西關南沽等莊歸入薊運河

靳家莊東渠一道東南通大河南通崔陳二莊寬一丈深五尺長一里許

南崔家莊東渠一道東北通大河南通陳家莊寬一丈深四尺長半里許

南陳家莊南渠一道南通高家莊北通大河寬三丈深五尺長三里

趙家園莊東渠一道北通蘆臺大河南通陳家莊寬八尺深六尺長二里

東陳家莊西渠一道北通大河南通莊南寬五尺深二尺長三里

曹田萬莊渠二道南通大河北通閭家莊寬五尺深

三尺長三里

小田家莊西渠一道南通大河北通大趙家莊寬五尺深二尺長二里

大趙家莊南渠一道南通田家莊東通大河寬五尺深三尺長三里

黨家莊東渠一道東通大河西通莊頭寬一丈深四尺長一里半

大艇莊東渠一道東通大河西通莊頭寬一丈深四尺長一里半

大楊莊西渠一道東通莊內西通大河寬二丈深三尺長二里

小楊莊南渠一道南通大河東通道溝寬六尺深四尺長三里

黃沽莊東渠一道北通大河南通蘆家霧寬一丈深二尺長四里

董家莊西渠一道北通小薄莊南通道溝寬五尺深三尺長三里

小薄家莊北渠一道東通大河北通大薄莊寬二丈深二尺長三里

寧河縣志

卷之三

建置

三

大薄家莊南渠一道東通大河西貫莊內寬一丈深三尺長里半

北胡家莊西渠一道北通大河南通張家莊寬二丈深五尺長里餘

張家莊西南渠一道西通大河東南繞莊寬三丈深六尺長二里餘

漢沽莊北渠一道西通大河東通白家莊寬五丈五尺深一丈長六里許

又莊南渠一道西通薊運大河東至荒地寬九尺深四尺長里半

國家莊北渠一道西通薊運大河東至荒地寬一丈深五尺長里許

馬杓沽莊西渠一道南通薊運大河北通本莊寬六尺深三尺長二里許

田家莊西渠一道北通薊運大河南通本莊寬七尺深三尺長二里許

蘆家霧莊渠一道西通薊運大河東通本莊寬五尺深二尺長二里

寧河縣志

卷之三 建置

三

小胡莊西渠一道西通薊運大河東通本莊寬五尺深四尺長一里

寨上莊北渠一道寬五尺深四尺通薊運河環繞合莊乾隆二十六年開挖

鐵獅坨莊北渠一道寬八尺深四尺通薊運河環繞合莊康熙二十八年開挖

西莊頭莊東渠一道寬八尺深四尺環陳家莊北直貫楊家莊西乾隆十九年開挖

營城莊東渠一道南通張家河北通薊運河寬一丈五尺深五尺長四里始開年月無考

李家沽莊東渠一道北通大河寬四尺深二尺許長二里

劉家莊南渠一道東通大河寬二尺五寸深二尺五寸長二里許

塔淀莊西渠一道南通大河寬四尺五寸深四尺長三里

北澗沽莊東渠一道寬五尺深三尺環繞合莊

寧河縣志

卷之三

建置

三

任鳳莊南渠一道寬一丈深五尺環繞合莊

王御史莊東渠一道寬一丈深五尺圍繞合莊乾隆四十三年疏濬

中興沽渠一道北通北澗沽南通船沽李家莊寬三尺深二尺許長一里餘始挖年月無考

勾樓沽莊北渠一道東通薊運河寬五尺深二尺長三里許

紀家莊西南渠一道深二尺寬五尺通王家務引河雍正八年開挖

桐城莊渠一道寬二丈深六尺環繞合莊乾隆二十年挑挖

馮家臺莊東渠一道寬三尺深四尺圍繞合莊

東堤頭莊南渠一道名張千溝宣洩筐兒港下游之水歸七里海開挖年月無考乾隆四十一年合莊呈請重濬長四里寬一丈二尺深五尺旱潦可資蓄洩軍糧城舊渠一道長六里寬二丈深五尺南通天津大河相傳元時開挖今淤

大楊莊西渠一道寬一丈二尺深五尺自天津葛沽

寧河縣志

卷之三

建置

三

大河引流入莊環繞四面

小楊莊南渠一道寬八尺深三尺自天津葛沽大河引潮入莊圍繞四面

鄭家莊中渠一道寬一丈二尺深五尺自天津葛沽大河引潮入莊圍繞四面

塘兒沽莊中舊渠一道南通天津大河圍繞合莊寬六尺深三尺長三里許始挑年月無考乾隆三十一年李秀捐資重濬

附鹽溝

二港莊舊渠四道俱東通大海繞貫灘坨寬二丈深五尺取水晒鹽

新河莊東鹽溝一道東通鹽灘西至莊南寬二丈深五尺長八里餘始開年月無考

又莊東外鹽溝一道東通內鹽溝西通天津大河寬二丈深五尺長五里始開年月無考

塘兒沽莊東南運鹽溝三道俱東通大海西通鹽坨均寬九尺深四尺長約十里始挑年月無考

論曰河渠所以備旱潦也北地平行田無溝洫偶逢

寧河縣志

卷之三

建置

三

旱潦動卽成災河渠之利誠不可不亟講也他邑形勢或恐經營未易若吾寧中貫長河蜿蜒縈繞蓄洩固甚便也倘能大興水利穿渠置牖區畫得宜沿河邨莊旋成沃壤而由近及遠以次開挖將斥鹵之鄉轉盼皆爲樂土間有旱潦亦可以人事勝之此前明寶坻令袁黃勸農一書所以爲斯民計者遠矣數載以來目擊閭閻旱潦之苦心竊憫之每深憂長計思仰體

國家昔年水利營田之至意爲吾民成此一勞永逸之

功日夜念此爲已熟獨苦工費浩繁有志焉而未逮也茲編輯邑乘因於案牘餘閒取境內大小河渠詳稽備錄卽荒沽殘港遺蹟半湮亦必加意搜求不敢少逸凡以明素志也昔史起謂漳水在旁西門豹不能用爲仁智未盡然則旱潦蓄洩之間爲令者安可不亟講哉讀瀉鹵稻梁之歌每慙然愧之是不能無望於賢司牧之留心水利者

隄堰

潘莊隄自寶坻橫道南起至王家務河下游廢土止

寧河縣志

卷之三

建置

三

計長四百三十五弓底寬六尺頂寬四尺五寸高五尺

東隄頭廢隄

按隄以防水患也不能防患而反以害之欲其趨事赴功難矣查此地康熙年間曾築隄一道後因挑挖引河衆流奔注附近田廬屢遭淹沒乾隆十七年蒙

恩減賦時

欽差查勘以金鐘河宣洩不及特將筐兒港東隄王家務

西隄毀壞使水勢散漫以便疏瀉自是水患稍息
民賴以安邇年來屢經寶坻移催修築奈合莊涕
泣苦陳勢難強逼屢次親行勘驗察看情形乃知
此隄有益於寶而實害於寧也蓋該莊地最卑窪
一築此隄每遇漲發寶坻固可免患而水勢直衝
其不至胥吾民而魚鼈之不止宜其嘍嘍瀆訴也
夫春秋重民力興作必書無益而爲之君子猶譏
焉况強民爲害已之事乎故特書之以爲將來者

告 此隄嗣于乾隆四十四年經東路分府沈勘明
仍照舊廢棄不許復行修築詳道行縣有案并

寧河縣志

卷之三 建置

三

准給示勒碑
永遠遵行

埋珠莊南堰一道長十五里高四尺寬三尺乾隆三
十三年莊民自築

論曰治九州之水利用道治一邑之水利用防漢賈
讓以繕完故隄增卑治薄爲下策在今日則有不得
不然者時勢異也邑之有河渠也所以收蓄洩之利
而隄堰則夾輔之修利隄防導達溝瀆其利蓋有相
因者故以舊防爲無用而壞之者必有水敗其效可
觀矣